

- V Musculus indicem medium, & anularem præcipue extendens.
 X Musculus parui digiti extensionis primarius autor.
 Y Musculus postbrachiale extendentiū inferior. a Musculus flectentiū brachiale inferior.
 b, c Duo hic indicantur muscoli, quorum superior b insignitus brachiali inscribitur: inferior autē cut c inscriptum est, in duos diducitur tendines, unum primo pollicis internodio inserēs, alterū duobus superioribus eiusdem internodijs implantans.
 1, 2, 3, 4, 5 & 6. His numeris notatur transuersum ligamentum in exteriori sede cubiti repositum, quod in tot rursus anulos diuiditur, quot numeros scripsimus. 1 enim indicat ligamenti radio ulnæq; commune. 2 ligamentum ulnæ propriū. 3, 4, 5 & 6 uerō insinuant quatuor ligamēta radio peculiaria.
 d Sedes musculi, aut ipse etiam musculus indici pollicem proximē adducens.
 e Tendo musculi pollicem ad indicem euerterentis. Verum modō tempestiuū est & dextro brachio animum accommodare, ac partim easdem notas quas in sinistro spectasti, partim uerō nouas intueri. Idem igitur significant N ac N, P, S, T, a. sed uix hic musculi a insigniti linea conspiciuntur. dein b, c & 4, 5, 6, & d ac e idem in dextra, quod in sinistra manu referunt. At priuata dextræ manus notæ sunt huiusmodi.
 Z Anterior cubiti flectentiū musculus. f Musculus superior radium in pronum mouentiū.
 g Musculus superior brachiale flectentiū. h Latum producens tendinem musculus.
 i Musculus gibbæ scapulæ sedem occupans, qui extrorsum brachium circumuertit.
 k Musculus quo brachium retrorsum ad dorsum elatiū quā iam signando musculo ducitur.
 l Præsentem musculum nona tabula O, & detectum adhuc magis decima Θ ostendunt. At quā externum secundū ue ipsius latus nullibi atq; in hac tabula opportuniū ostenditur, hic aliquot characteres adijcere erit operæ precium. Est itaq; musculus hic cuius beneficio brachium agitur deorsum, triangularis quodammodo figuræ, cuius internum latus spinarum apicibus exporrigitur (qui præsentī musculo principium offerunt) ab l ad m pertinens. Exterius uerō latus, l m, quod a sacro osse sursum oblique in priora ad insertionem properat ab m ad n usq; pertinet. n enim insinuat huius musculi partem suæ insertioni proximā, quæ citra alterius musculi dissectionem conspici nequit. Atq; hoc latus est, quod in prima tabula N notat, in sequenti uerō V, & rursus longē accuratiū dextrum septimæ tabulæ brachium O litera hanc insertionem commonstrat. Tertium latus ab l ad n porrigitur, quod transuersim ductū humiliori basī scapulæ angulo infernitur. Atq; l etiā indicat huius musculi partē musculo cui L inscripsimus subiectā.
 Δ Ne paruum o in umbra ad pectoris sedes plus satis lateret, Δ inibi posūm habes, musculum indicans, quo brachium pectori adducitur.
 o, o, o Huiusmodi triangulorum quasi ritu procedentes formæ, insertiones musculi sunt eius qui in octo superiores thoracis costas manus modo insertatur.
 p, p, p Exortus abdominis musculi oblique descendētis, qui mutuō cum dicti iam musculi & aliquot o insigniti insertionibus ingrediuntur. Quod autem in uniuersa abdominis sede conspiciuntur, obliquus ille est musculus: quanquam rectus abdominis musculus nonnihil propter obliquorum tendinum tenuitatem (quemadmodum & ante sectionem) extuberet.
 q Principium notatur primi tibiæ mouentium musculi, quem sequenti figura Σ notatum cernes. Hic autem in dextro femore q etiam indicatur.
 r Musculus latum producēs tendinem, quo omnes femur amplexantes musculi circundantur, quiq; tibiæ mouentium sextus habetur. Huius tendo quum non insignem exigat spissitudinem, aliorū musculorum inspectionem minus adhuc ipsa cute occupat: unde etiam hic occurrit musculus, mox t notandus.
 s Portio musculi tibiæ mouentium noni, quem in quarta tabula Φ exprimam.
 t Musculus tibiæ mouentiū septimus, membraneo tendine sexti tibiæ mouētis musculi obiectus.
 u Musculus sinistrum femur mouentium primus. Qui uerō dextrum femur agit, etiam magna ex parte hic se offert.
 x Regio maioris exterioris ue processus femoris.
 y Conspicua secundi femur mouentis musculi pars. Reliqua autem primo femur mouenti musculo u superius indicato, & illo quē latū producere diximus tendinē, quemq; hic r notauimus occultatur.
 α Quartus

- α Quartus tibiæ mouentium musculus, qui hic externo ipsius latere est spectatissimus, ac nullibi in dextro crure apparct.
 β In utroq; femore tertius notatur tibiæ mouens musculus.
 γ In dextro tantum femore indicatur secundus tibiæ mouentium musculus.
 δ In dextro crure bis δ posui, musculum indicaturus, quem ego quintum femoris motorem enumeraturus sum. In sinistro autem crure Δ iuxta poplitem ponitur, quintum quoq; notans musculum.
 ε In dextro femore indicatur quintus tibiæ mouentium Galeni musculus, nosster autem femur mouentium quintus. ac e quidem huius musculi posteriorem partem indicat, & uerō posteriorem anterioris partis portionem. Hæc non ambigo abstrusa obscuraq; uideri, attamen si Caput femur agentibus dedicanda perlegeris, erunt longe facillima: præcipue quum hos musculos in alijs musculorum tabulis propemodum denudatos uisurus es, uidelicet in septima ad characterem β, in octaua ad Φ & c, in duodecima ad Ξ & Σ. Omnia enim singulis locis haud ueniunt repetenda: imò uereor morosiorē quempiam & ro dendi studio natum, mihi detractaturū, quod ea in harum tabularum indicibus præmoneam, quæ in sermone seu Capitiū contextu diffuse ac explicatē persequar. Quanquam etiam hæc & cōtextus ipse studioso homini uix sufficiat: ut eos modō mittam, qui omnia oscitanter aggredientes, cōpendia summo ipsorum dispendio quærunt, et Galeni anatomicos libros tanquā ad ipsos non pertinentes relinquunt.
 η Musculus hic extuberans, tibiæ mouentium octauus censetur.
 θ Excaris tibiæ pars, uerū interior malleolus priuatim η notatur.
 ι In utroq; crure suram constituens musculus, qui mouentium primus numerabitur.
 κ Musculus in utroq; notatur crure, pedem mouentium secundus.
 λ Gracillimus totius corporis tendo, a musculo enatus qui pedem mouentium tertius habetur.
 μ Maximus suram constituentium musculus, ac pedem mouentium quartus. Quamuis o & 1, & eiusmodi aliquando characteres nō inuenis, ob hoc quicquam nō notatum fuisse minime arbitrandum est, quum illi characteres (quantum ad sculpturam spectat) nostro o & i non absimilia sint.
 ν Musculus tertios quatuor digitorum flectens articulos.
 ξ Portiuncula eius musculi, qui pedem mouentium quintus erit.
 ζ Transuersum ligamen ab interno malleolo in calcem pronatum.
 τ Musculus pollicem in internum latus ab alijs abducens digitis, qui sanè hic est manifestissimus.
 υ Ligamentum musculo secunda quatuor digitorum internodia flectenti obnatum, & lati tendinis uicem in planta gerens.
 φ In utroq; crure musculus notatur in anteriori tibiæ sede locatus ac pedem mouentium sextus.
 χ Musculus fibulæ exporrectus, qui pedis motorum septimus numeratur.
 ψ Musculus nuper dicto substratus, pedemq; mouentium octauus, huius tendo, ut & septimi, sub Σ est conspicuus.
 ω Musculus quatuor digitos extendēs, ad latus autem sinistrum Ω occurrit huius musculi portio, bicorni tendine in pedis os ante paruum digitum inserta, quam pedem mouentium musculorum nonum appellabimus, quiq; aptius in quarta musculorum tabula Ω indicabitur.
 Θ Tendo musculi pedis pollicem extendentis.
 Λ, Δ Transuersum ligamentum tibiæ ossi & fibulæ commune, in sinistro crure Λ indicatur, in dextro autem Δ.
 Ξ Exterior malleolus, seu fibulæ ossis excarnis sedes.
 Σ Transuersum ligamentum a fibula in calcem pertinens.
 Π Musculus abductionis parui digiti a reliquis autor.